

SAN MARTIN Y LUNGIARÜ

Incö, Pasca, do mëscha é la Uniun dles Ères che vënn röses sön plaza de dljia por l'aziun "Na rösa por la vita - daidé por daidé" dla Südtiroler Krebshilfe.

SAN MARTIN

Fora de osc cëst dl signé o magari ince fora de tacuin vëgnel bel perié da mëte ince val' tl cëst por i sorvidus, che é inviá da gní en Pasca dales 14.00 dan calonia a chirí les coes dl lou da Pasca. Ai s'al mirita por so bel sorvisc.

En Lönesch de Pasca é döta la comunité bel inviada atira do la gran mëscha da s'abiné tl salf dl Istitut Ladin a ti fá les audanzas y a festejé, siur Iaco, che complësc 75 agn.

Dilan dles ofertes en recort de + Pire Ploner: da Otilia Pedevilla, dai Seniors da San Martin y Antermëia; dai familiars, da familia Pasquale Conrater, Jù; dai jormans Trebo de Pire, Al Plan.

LUNGIARÜ

La Uniun di Èi da Lungiarü mët a jí n marcé de patüc de secunda man por mituns, la domënia ai 28 d'aurí dales 9.00 - 15.30 tla palestra a Lungiarü. Düc é bel inviá!

Pro la gran mëscha en domënia, ai 28 d'aurí, dales 08.15, a Lungiarü, cianta le Cor Mosaic d'Al Plan.

Le KVV da Lungiarü mët a jí n curs da fá pan cun farines integrales cun Hermann Dapoz, ai 14 de ma por le pröm grup y ai 15 de ma por le secundo grup, dales 19.30 tla ciasdafüch de scora a Lungiarü. Prenotaziuns al nr. 348 70 21 582. Le numer di partezipanc é limité.

Le Cor Flat Caps da Balsan y le Cor de dljia da S. Cristina cun orchestra inviëia a so concert, incö Pasca (21/04), dales 20.00, tla dljia de S. Cristina cun musighes scandinaves, danter l'ater "Missa popularis" de Marten Jansson

En Lönesch de Pasca inviëia la Uniun Ladins Val Badia ala Matinée Culturala: dales 11.00 inant dan l'Istitut Ladin. Le grup de Max Castlunger Jemm Music Project presenterá súa CD nöia. Intrategnimënt por mituns cun Silvia Liotto y chirida de üs. Bufé de liagnes blanches y marcé de libri.

La SEA (Sorvisc Energia y Ambiënt) tëgn la reuniun generala l'ater lönesch ai 29 d'aurí, dales 19.30, tl salf dl Istitut Ladin a San Martin.

La Uniun dles Patrones da San Martin inviëia en dedemesaledema, 08 de ma, dales 20.00, tl salf di stödafüch da San Martin a n referat cun le Biogärtner Alexander Huber da Tluses sön le tema "Wie gelingt mir ein guter Start ins neue Gartenjahr? Tipps und Tricks vom Biogärtner für einen gesunden, erntereichen und schönen Garten".

Dô le referat sarál na baratada de ciüf, pelzes y somënzes.



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

21.04. – 28.04.19 nr. 21

ultimo termo por comunicaziuns: jöbia dales 20.00
radio: 90,40 / 93,70

DOMËNIA DE PASCA

Vangele do Jan 20,1-8

Le pröm dé dl'edema, é Maria da Màgdala jüda da doman adora, canch'al é ciamò scür, fora dala fossa y à odü che la pera é tuta demez dal sepolcher.

Ara é saltada debota da Scimun Pire y dal discepul, a chël che Gejù ti orô bun, y ti à dit:

An à tut le Signur fora de sepolcher, y i ne savun nia, olach'an l'à metü. Dailò é Pire y l'ater discepul jüs ia y fora y é rovà fora dal sepolcher; ai é saltà trami deboriada, mo deache l'ater discepul é plü asvelt co Pire, é chël rové por pröm dal sepolcher.

Al s'à cufé jö y ite y à odü les fascas de lin ia por tera, mo al n'è nia jü ite.

⁶Tratan é ince rové adalerch Scimun Pire, che ti gnô do, y é jü ite tl sepolcher.

*Dala odlada tl sepolcher öt
ne pëia nia ia la fede de Pasca.
La odlada tl sepolcher öt
é ma na odlada te n ander scür.
Dailó ne sciafiel nia da mëte man
na fede tla vita y tl amur.*

Y chësc é ince dërt insciö.

*Zënza l'essun bëgn ria do 2000 agn.
Maria Magdalena ne conësc Gejù nia
cun i edli. Ara vëiga le patrun dl urt.
Ara conësc Gejù pormó cun le cör.
Deache tles parores ch'al ti dij sintera
proteziun y sostëgn.*

*La fede de Pasca ne mët nia man cun l'odëi,
mo cun l'aldí y cun la desponibilité da se daurí ala vijinanza de Chël Bel Dî.*



	SAN MARTIN	LUNGIARÜ
21.04.19 DOMËNIA DE PASCA	10.00 Mëssa solëna de Pasca y benedisciun dl signé 18.00 Öspi da Pasca	8.15 Mëssa solëna de Pasca y benedisciun dl signé 14.30 Öspi da Pasca
22.04.19 LÖNESC DE PASCA <i>Caius, Alessandra</i>	9.00 Ora d'adoraziun 9.30 Gran Mëssa + Nando Flöss, Anvì a d'intenziun <i>atira dedô é dôta la comunité bel inviada tl salf dl Istitut Ladin a festejé siur Iaco por so compliann de 75 agn</i> 14.00 Bato de Tobias Palmieri	7.55 Corona 8.15 Gran Mëssa por la comunté dl ann + Agata Pezzei Alfarei por i ++ dl Caizer + Davide Daporta y ++ da Mazchel <i>Tla messa recordunse siur Iaco che complësc incö 75 agn</i>
23.04.19 Dedolönesc <i>Iorz, Adalbert</i>	15.30 Mëssa sö Ju a d'intenziun de Alfred y Stephan Ploner + Pire Ploner	
24.04.19 Dedemesaledema <i>Fidelis, Ivo, Teo</i>		7.30 Mëssa dl ann + Gottfried Dapoz + Heinrich Frenademetz
25.04.19 Jöbia <i>Merch vangelist</i>	<i>degöna mëssa</i>	
26.04.19 Vëndres <i>Maria dal Bun Consëi</i>	18.30 Adoraziun chîta 19.00 Adoraziun de Pasca	<i>degöna mëssa</i>
27.04.19 Sabeda <i>Pire Canisius, Zita</i>	15.30 Mëssa tla Ciasa de Palsa 18.30 Mëssa prefestia dl ann + Paul Ferdigg ++ siur Angel M. y siur Laurënz Ir.	20.00 Mëssa prefestia por fam. Josef Chiusura + Cecilia Mischi Clara
28.04.19 2ª DOMËNIA DE PASCA	9.00 <u>Prozesciun de San Germano</u> 9.30 Gran Mëssa dla comunité	8.15 Gran Mëssa en onur de San Florian a d'intenziun di Stödafüch 14.00 Bato de Gabriel Kostner
 En Lönesc de Pasca, ai 22 d'aurí, complësc nosc ploan, siur Iaco, 75 agn! Nos düc dles Ploanies da San Martin y Lungiarü ti audun döt le bun, ligrëza, sanité y benedisciun, y ti dijun dër bel dylan de süa presënza te nostes comunités y de so sorvisc da prou ch'i orun dër aprijé. I periun Chël Bel Dî ch'al nes dais la grazia de l'avëi ciamó tröc agn cun nos.		



Audanza de Pasca

Che sorëdl dla doman de Pasca,
che i rais cialc dla ressozeziun
lomines da nosta dljia fora.
Che degun pedrun ne stopes sö
l'üsc de dljia,
por che la ligrëza de Pasca
pois passé fora y arjunje la jënt
y ch'al vëgnes incundé la noela
dla devënta dla vita sura la mort.
Ch'i ressoriunse ince nos
y diventunse testimoni dla
Ressoreziun dl Signur.

